



Odbor za urbanizam i upotrebu lokalnog zemljišta

Broj: 04-GV-04-1055/23
Sarajevo, 07.07.2023. godine

ZAPISNIK O RADU
27. SJEDNICE ODBORA ZA URBANIZAM I
UPOTREBU LOKALNOG ZEMLJIŠTA
održane 07.07.2023. godine

Prisutni:

1. Aida Koluder - Agić, predsjedavajuća
2. Ismir Smajić, zamjenik Predsjedavajuće
3. Elvedin Korora, član
4. Danijela Šahat, članica
5. Sandra Toskić, članica
6. Fikret Jakupović, član

Odsutan: Salih Išerić, član (najavljeno odsustvo)

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuje:

- Arijana Musić, ispred Gradske službe za urbano planiranje, investicije, stambene i komunalne poslove

Predsjedavajuća Odbora je u 14.05 sati otvorila sjednicu, pozdravila prisutne i utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 26. sjednice Odbora za urbanizam i upotrebu i upotrebu lokalnog zemljišta, održane 09.06.2023. godine.

Poslije uvodnih napomena, na prijedlog Predsjedavajuće Odbora, jednoglasno je usvojen sljedeći dnevni red:

1. Informacija o izradi regulacionih planova koji su u nadležnosti Grada Sarajeva
2. Prijedlog Odluke o usvajanju Regulacionog plana „Reljevo“ sa Prijedlogom Odluke o provođenju Regulacionog plana „Reljevo“
3. Tekuća pitanja



TAČKA 1.

Informacija o izradi regulacionih planova koji su u nadležnosti Grada Sarajeva

Uvodno izlaganje dala je Arijana Musić, ispred Gradske službe za urbano planiranje, investicije, stambene i komunalne poslove.

Fikret Jakupović, član Odbora je pristupio radu sjednice u 14.18 sati.

U diskusiji su učestvovali Predsjedavajuća Odbora i zamjenik Predsjedavajuće, a odgovore na pitanja u diskusije dala je Arijana Musić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja i diskusije, te sažetka Predsjedavajuće, Odbor za urbanizam i upotrebu lokalnog zemljišta je jednoglasno usvojio sljedeće **zaključke**:

1. Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Informaciju o statusu regulacionih planova koji su u proceduri u Gradu Sarajevu*
2. Odbor za urbanizam i upotrebu lokalnog zemljišta predlaže da se na Tematsku sjednicu Gradskog vijeća Grada Sarajeva pozovu predstavnici Skupštine Kantona Sarajevo.

TAČKA 2.

Prijedlog Odluke o usvajanju Regulacionog plana „Reljevo“ sa Prijedlogom Odluke o provođenju Regulacionog plana „Reljevo“

Uvodno izlaganje i pojašnjenja dala je Arijana Musić, ispred Gradske službe za urbano planiranje, investicije, stambene i komunalne poslove.

Danijela Šahat, članica Odbora je u 15.00 sati zbor ranije preuzetih obaveza napustila sjednicu.

U diskusiji su učestvovali Predsjedavajuća Odbora, zamjenik Predsjedavajuće, članovi Odbora Fikret Jakupović i Elvedin Korora, a odgovore na pitanja u diskusiji dala je Arijana Musić, ispred Gradske službe za urbano planiranje, investicije, stambene i komunalne poslove.

Odbor za urbanizam i upotrebu lokalnog zemljišta, izjasnivši se sa dva glasa „za“, jednim glasom „protiv“ i jednim „suzdržanim“ glasom nije podržao prijedlog Ismira Smajića, zamjenika Predsjedavajuće Odbora da se član 13. Odluke o provođenju Regulacionog plana „Reljevo“ dopuni odredbom kojom će se planirati sadnja rastinja isključivo sadnicama biljaka koje nisu alergene na svim zelenim površinama u okviru obuhvata Plana.

Elvedin Korora, član Odbora je u 15.43 sati zbog ranije preuzetih obaveza napustio sjednicu.

Poslije uvodnog izlaganja i rasprave, na prijedlog predsjedavajuće, Odbor za urbanizam i upotrebu lokalnog zemljišta je usvojio sljedeće **zaključke**:

1. Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Odluku o usvajanju Regulacionog plana „Reljevo“ sa Odlukom o provođenju Regulacionog plana „Reljevo“* kako su predložene.
2. Odbor za urbanizam i upotrebu lokalnog zemljišta insistira da svi bespravno izgrađeni objekti koji su evidentirani nakon snimanja terena i pozicionirani u okviru zaštićenih koridora i područja evidentiranih planom, ne mogu biti legalizirani.

TAČKA 3.
Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆA ODBORA
Aida Koluder-Agić, s.r.

Predsjedavajuća Odbora je u 15.46 sati zaključila rad 27. sjednice Odbora za urbanizam i upotrebu lokalnog zemljišta Gradskog vijeća Grada Sarajeva.